

P  
C  
///  
///

Onder bevestiging moete worden met de systemen van de  
o leges, aangenomen. ER-adv. d.d. 10 april '18  
Voorzitter: Griffie

**MOSHON**  
**REUNION PUBLIKO DI KONSEHO INSULAR DI 10 DI APRIL 2018.**

**KONSIDERANDO KU:**

- For di 1 yùli 2016 Parlamentu Hulandes a aprobá e lei di produkshon di awa di bebe i elektrisidat pa Islanan BES ku ta regla e tarifanan pa elektrisidat i awa na Boneiru; Autoriteit Consument & Markt (ACM) ta un organisashon Hulandes ku ta hasi kalkulashon di preis máksimo pa awa i koriente ku WEB N.V. por kobra su klientenan; E kalkulashon aki ta basá riba e gastunan total di WEB N.V. inkluso produkshon i distribushon di awa i koriente; Dia 1 di aprel último e tarifanan conforme un sistema nobo stipulá den lei di produkshon di awa di bebe i elektrisidat pa Islanan BES mester a drenta na vigor; E oumento aki lo tin un impakto grandi pa tur ku ta usa awa i koriente di WEB N.V., prinsipalmente e klientenan chikitu lo eksperimentá un subida inmenso;
- Kolegio Ehekutivo No a bai di akuerdo ku oumento máksimo di tarifa di awa i koriente manera WEB i ACM a stipulá;
  - Konseho Insular dia 16 yanüari 2018 unánimamente a aprobá un moshon ku e petishon na Kolegio Ehekutivo i WEB N.V. pa atendé ku e asuntu di oumento di awa i koriente mensioná;
  - Esaki a resultá den un supsidio di Hulanda di 100% pa loka ta e oumento di awa i 47% pa elektrisidat;
  - E supsidio di 47% pa elektrisidat NO ta un alivio signifkante pa e konsumidó;
  - Dia 23 Mart 2018 Kolegio Ehekutivo ta manda un karta di preokupashon tokante tarifanan i supsidio pa Minister pa Asuntunan Ekonómiko i Klima, Minister di Infrastruktura i Minister di Asuntunan Interno di Hulanda;
  - Dia 1 di aprel último te ku 1 mei 2018 WEB a disidí di supsidia e tarifa pa distribushon di koriente ku 53%;
  - Konseho Insular dia 27 di Mart 2018 unánimamente a aseptá un desishon pa pidi Minister di Ekonomia di Hulanda pa intervení i wanta ku ehekushon di artíkulo 3.14 te ku 3.17 di e lei di awa di bebe i elektrisidat pa Islanan BES, tambe a pidi e mandatario pa konsiderá un kambio di lei i pa duna WEB èkstra supsidio;
  - Den un karta di 20 desèmber 2017 Minister pa Asuntunan Ekonómiko i Klima ta ofresé e posibilidat pa supsidio pa e gastunan di ret pa un periodo di 2 aña, pero ta mara esaki na e siguiente kondishonnan: ku WEB ta drecha su "governance", profeshonalisá maneho di e kompania, haña grep riba su finansa i kuminsá invertí den produkshon mas barata i duradero;
  - E kompania WEB N.V. mester mustra ku ta kumpli ku e petishon di Minister pa asuntunan Ekonómiko i Klima momentu ku hasi petishon di supsidio.

**TA DISIDI:**

1. Pa instruí Kolegio Ehekutivo pa dentro di 2 siman raportá na Konseho Insular e resultado di ehekushon di e desishon di Konseho Insular tumá dia 27 mart 2018 tokante di lei di produkshon di awa di bebe i elektrisidat pa Islanan BES;
2. Pa instruí Kolegio Ehekutivo pa hasi posibel pa WEB N.V. por presentá deniro di 2 siman un plan di maneho di e kompania conforme e petishon di e minister pa asuntunan Ekonómiko i Klima den su karta dia 20 desèmber 2017;
3. Pa instruí Kolegio Ehekutivo pa pidi WEB pa prolongá e supsidio di 53% ku 1 luna mas;
4. Pa instruí Kolegio Ehekutivo pa hasi posibel pa un audit keda hasi den WEB.

Ta pasa pa òrdu di dia.